

և բժշկեաց քեռին նորայ, ոչ միայն լուսաւոր առնելով հոգին քեռոյն իւրոյ 'ի յաւիտեանական կեանս նաեւ փրկող 'ի բորոտութենէ աղտից, և արդ՝ երկայնամիտ լեր 'ի վերայ հատուցման երախտուց նորայ և տես ներգործութիւն ընութեան մերոյ այսքան զանազանութիւն 'ի միջոցէ ոչ դարոյ և ոչ հեռի ժամանակէ միոյ եթէ ոչ իբրեւ 'ի հօրէ մինչև ցժամանակն որդոյ. հայրն հաւատաց դաւանեաց և գտաւ շնորհս բժշկութեան, քեռ որդին զայրացմամբ սպան բժշկող քեռոյ և փրկութիւն տուող աշխարհին իւրոյ, պարտաւոր արար զինքն և մատնեաց ժողովուրդ իւր 'ի ծառայութիւն մեղաց, որովհետեւ ընութիւնս մեր այսքան փոփոխական է և այնքան անհաստատ 'ի վերայ մտաց իւրոց, որպէս տեսաք կամք Ասլգարոս հօր և կամք քեռ որդոյ Սանատրիոյ այնքան զանազան և հակառակ միմեանց որպէս լոյս ընդ խաւարի, ուրեմն հարկաւոր է մեզ ուտել և ոչ ըմպել և ոչ քնել եթէ ոչ նախ և յառաջ ընտրել Օրէնս բարի 'ի մէջ մեր և ընութիւնս մեր հնազանդ առնել Օրինաց մերոց շղթայիւ կապանօք անխախտելօք որ ոչ երբէք ոչ ոք մարդ գտցի ազատութիւն գործելոյ գործս չար և ինքնակամ արարս, և եթէ գուցէ նշոյլ չարութեան գործոյ ումեքէ որով ոք և իցէ եթէ ելցէ՝ խոյնս պատժեսցի ըստ Օրինօք մերովք, զի նովաւ կացցուք և մնասցուք